

11. januar 2016

UPA 2016/141

Inatsisartut suleriaasiat § 33 immikkoortoq 1 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara.

**qimminutnut nerukkaatissiorfimmik nunatsinni pilersitsisoqarsinnaananut iluaqutissartai ajoqutissartaalu pillugit Naalackersuisut UPA2017-imut nalunaarusiamik suliniuteqaqqullugit inatsisartut aalajangiiffigisassaattut siunnersuut. Tamatumani aningaasaqarnikkut piumasaqaatinngortussat tunisassiornissamullu tunngasut ilanngullugit.**

(Inatsisartunut ilaasortaq Anthon Frederiksen, Partii Naleraq).

### **Tunngavilersuut:**

Siunnersuutip suliarileqqaarneraniillu paasissutissat assigiingitsut pissarsiariniarsimavakka. Qujanartumilu Nunatsinni Brugsen-ip apeqquteqarninni paasitippaanga, Nunatsinni Brugsen-i ukiumut nersutitut nerukkaatissanik katillugit 1,3 mio kr.inik nalilinnik nunatta avataaniit tikisitsisartoq.

Aamma Nunatsinni Brugsenip paasitippaanga, nerisassat assigiinngitsut neqit il.il. ullussaminnik qaangiisut ukiumut katillugit 5 mio. kr-init missaani kasiilerneqartartut.

Naalackersuisunut apeqquteqarninni ilaatigut makku paasivakka:

Nerukkaatissiat tikisinneqartartut kr.-inngorlugit:

2009: 10.653.741 kr. – 2010: 8.525.287 kr. - 2011:10.992.671 kr. – 2012: 12.472.279 kr. - 2013: 9.747.721 kr.

Inuussutissanut suliffissuarnit perlukut igitassallu uumasunut nerukkaatissatut atugassat kr.-inngorlugit:

2010: 8.163.714 kr. - 2011: 10.474.956 kr. - 2012: 11.485.836 kr. - 2013: 8.766.183 kr. - 2014: 10.541.171 kr.

Neqi A/S-ip paasissutissiivoq savanik toqoraanermi 40 tons-it igitassat immikkoortinneqartartut.

Qulaani paasissutissat takutippaat, aningaasat qanoq amerlatigisut nunatta ukiut tamaasa avataaniit nerukkaatissanuinnaq atortarai aammalu aningaasarpassuit nalinginut eqqaasoqartartoq, naak qimminut nerukkaatissanut uumasuutinullu maani tunisassiorfeqartuungaluarpat atorluaasoqarsinnaagaluartoq.

Taamaammat kialluunniit takusinnaavaa, qimminut nerukkaatissaannaalluunniit eqqarsaatigalugit, nunatsinni qimminut nerukkaatissiorfimmik pilersitsisinnaaneq sutigut tamatigut nunatsinnut iluaqusiilluarsinnaasoq.

Tassami qulaani naatsorsuingallarnermi, nunatsinniit suli qimminut nerukkaatissiorfiliorsinnaanermi puisit neqai aalisakkallu perlukui aamma atorluarneqarsinnaammata.

Isumaqarpunga nunatsinnut iluaqutissaq anginerpaaq anguniarlugu partiit akimorlugit eqqarsarluaqatigiittariaqarpugut, qanoq ililluta nunatsinni aningaasat kaaviiarnerulersissinnaagivut suliffissaqartitsinermut nunamullu tamanut iluaqutaasumik.

**Siunnersuutip aningaasatigut kingunerisassai:**

Soqanngilaq.

**Siunnersuutip allaffissornikkut kingunerisinnaasai:**

AC fuldmægtigitut atorfillip ataatsip ukiup affaanut akissarsiassaasa nalingi.